

GRIMM
CULTURE

曾国藩全集

下卷

〔清〕曾国藩

著

河北人民出版社

初名子城，字伯涵，号涤生，谥文正。
湘军的创立者和统帅。清朝战略家、政治家。
两江总督、直隶总督、武英殿大学士，封一等毅勇侯。



曾国藩全集

文集

下卷

[清]曾国藩 著



河北人民出版社

目 录

诗词联语

卷一	3
诗 词	4
卷二	61
联 语	62

墓志铭

卷一	79
吴君墓志铭	80
彭母曾孺人墓志铭	81
余安人墓志铭	82
陈岱云妻易安人墓志铭	83
新化邹君墓志铭	84
单县曲史张君墓志铭	85
随州李君墓表	86

前海宁州知州长沙李君母黄宜人墓志铭	87
适朱氏妹墓志	87
满妹碑志	88
钱塘丁烈妇墓表	89
荆门州学正郭君墓铭	90
善化夏母杨宜人墓志铭	90
祖四世元吉公墓铭	91
国子监学正汉阳刘君墓志铭	91
钱塘戴府君墓志铭	93
跋衍圣公孔恭愍公墓志铭刻本	94
崇仁谢君墓志铭	94
刘母谭孺人墓志铭	95
湘阴郭府君暨张安人墓志铭	96
诰封光禄大夫曾府君墓志	97
刘君季霞墓志铭	99
桃源县学教谕孙君墓表	100
毕君殉难碑记	102
林君殉难碑记	103
卷二	105
武昌张府君墓表	106
翰林院庶吉士遵义府学教授莫君墓表	107
何君殉难碑记	108
邓湘皋先生墓表	110
季弟事恒墓志铭	112
闽浙总督季公墓志铭	113
仁和邵君墓志铭	115

江忠烈公神道碑	117
张君树程墓志铭	119
新宁刘君墓碑铭	121
户部员外郎彭君墓表	122
罗忠节公神道碑铭	124
苗先麓墓志铭	126
李忠武公神道碑铭	128
李勇毅公神道碑铭	130
唐确慎公墓志铭	132
欧阳府君墓志铭	134
翰林院侍读学士丁君墓志铭	135
郭依永墓志铭	136
大界墓表	137
台洲墓表	139
罗君伯宜墓志铭	141
宁津庞君墓志铭	142
遵义黎君墓志铭	143
海宁州训导钱君墓表	145
刘忠壮公墓志铭	146

寿 序

卷一	151
朱心垣先生五十六寿序	152
田昆圃先生六十寿序	153

朱玉声先生七十三寿序	154
王翰城刺史五十寿序	156
王荫之之母寿序	157
江小帆之母寿序	157
易问斋之母寿诗序	159
何傅岩先生七十寿序	160
郭璧斋先生六十寿序	161
金殿珊先生六十寿序	162
陈岱云太守为母生日宴集宾僚诗序	163
唐镜海先生七十生日同人寄怀诗序	164
卷二	167
黄矩卿师之父母寿序	168
文小南之父七十生日寿诗序	169
何母廖夫人八十生日诗序	170
黎樾乔之兄六十寿序	171
曹颖生侍御之继母七十寿序	172
杨母张孺人七十寿序	173
曹西垣同年之父母寿序	174
王静庵同年之母七十寿序	175
孙鼎庵先生六十寿序	176
江岷樵之父母寿序	177
陈仲鸾同年之父母七十寿序	178

诗词联语

诗词联语

卷一

诗 词

咏史五首

即墨有贤宰，四邻戒侵袭。恶犬守门间，乃为盗所憎。易如振落叶，乘郭孰蹶兴？重伤禽二毛，龕暴职所应。文王事昆夷，駉喙亦何曾。大气举六合，中悲其奚胜！功高而不赏，谣诼来青蝇。吴起泣西河，伏波触炎蒸。长城讫自坏，使我涕沾膺。

莫民在辞悻，
涣汗自古重。

莫民在辞悻，涣汗自古重。人心有激宕，天意方溷洞。无辜或于罹，有罪覆解纵。九关森虎豹，阔越不可讼。长星十丈余，白日堕霾雾。翺飞逐醪穀，燕雀尔何哄！嘉彼借剑子，愤切言绝痛。葺檻示含容，说说格不用。噫乎天盖高，勿教家父诵。

觥觥孔大夫，经术致通侯。不如说灾异，京翼多忠谋。荃兰化为茅，萧艾莫好修。折冲无精神，夸毗徒体柔。九有而畏人，君知所谓不？嗚然布体肢，营魂久漂流。一朝冒六气，何以葆春秋？

万物盗天地，岂况鼠在仓。大木忽颠揭，所食与俱亡。管子榷鱼盐，本在四维张。蚩蚩足衣食，相与存纪纲。磊磊瞻柴宫，中官尊且强。银河界清浅，列舍但遥望。天钱与列肆，箕舌终夕张。咄哉左执法，知案羽林郎。

虞舜明四目，世乃谓重瞳。渊鱼察不详，举罾失蛟龙。荏苒支大厦，焉知栋桡凶！千金购国医，当在草泽中。汪秦匿肘腋，宗李知无功。开元变天宝，举世思姚崇。生民有治乱，怅望风云空。

里胥

牛羊忽窜突，屯社杂喧豗。昨闻府牒下，今见里胥来。召募赴戎行，羽檄驰如雷。“后期不汝宥，行矣胡迟回！”老姬捶胸哭，哭声亦何哀！龙钟六十余，伶仃惟一儿。弱小不识事，黄犍母之随。筋力尚可食，或免一家饥。薄命不足惜，儿去伤永离。老姬泣未阑，老翁跪致辞：“王事亦云棘，妇人那得知！蝼蚁穴

寸土，自荷皇天慈。天威有震叠，小人敢疑猜。贫者当敌忾，富者当输财。便当遣儿去，不劳火急催。所愧无酒食，与吏佐晨炊。”贫者勉自效，富者更可悲。隶卒突兀至，诛求百不支。萑萑纨绔子，累累饱鞭笞。前卒贪如狼，后队健如犛。应募幸脱免，倾荡无余赀。吁嗟朝廷意，兵以卫民为。守令慎其柄，无使胥吏持。此辈如狐鼠，蓁蓁肆恣睢。聊为道人洵，敢告良有司。

贫者当敌忾，
富者当输财。

岁暮杂感十首

芒鞋镇日踏春还，残腊将更却等闲。三百六旬同逝水，四千余里说家山。缁尘已自沾京雒，羌笛何须怨玉关。为报南来新雁到，故乡消息在云间。

高崑山下是依家，岁岁年年斗物华。老柏有情还忆我，夭桃无语自开花。几回南国思红豆，曾记西风浣碧纱。最是故园难忘处，待莺亭畔路三叉。

莽莽寒山匝四围，眼穿望不到庭闱。絮漂江浦无人管，草绿湖南有梦归。乡思怕听残漏转，逸情欲逐乱云飞。敬从九烈神君诉，游子于今要换衣。

去年此际赋长征，豪气思屠大海鲸。湖上三更邀月饮，天边万岭挟舟行。竟将云梦吞如芥，未信君山划不平。偏是东皇来去易，又吹草绿满蓬瀛。

纷纷节候尽平常，西舍东家底事忙？十二万年都小劫，七千余岁亦中殇。蜉蝣身世知何极，胡蝶梦魂又一场。少昊笑依情太寡，故堆锦绣富春光。

韶华弹指总悠悠，我到人间廿五秋。自愧望洋迷学海，更无清福住糟丘。尊前瓦注曾千局，脚底红尘即九州。自笑此身何处著，笙歌丛里合闲游。

为臧为否两蹉跎，搔首乾坤踏踏歌。万事拚同骈拇视，浮生无奈茧丝多。频年踪迹随波谲，大半光阴被墨磨。匣里龙泉吟不住，问予何日斫蛟鼉。

旧雨曾遗尺鲤鱼，经年不报意何如？自从三益睽违久，学得五君世态疏。碧树那知离别憾，青灯偏照故人书。殷勤护惜金炉

自从三益睽违
久，学得五君
世态疏。

鸭，香火因缘付与渠。

拟学坡公馈岁诗，花笺何处寄相思？阳和未老貂先敝，暖气初回鸟竟知。游子情怀随地远，天家雨露及时施。小儒莫献升平颂，幸傍龙楼睹上仪。

皦皦岁鼓走轻雷，竹马儿童彩戏才。仙仗九重围雾住，宫花一万锁烟开。迷离佳气从空绕，不断狂香拂面来。我比春风尤放荡，长安日日骋龙媒。

寄郭筠仙浙江四首

一病多劳勤护惜，嗟君此别太匆匆。二三知己天涯隔，强半光阴道路中。兔走会须营窟穴，鸿飞原不计西东。读书识字知何益，赢得行踪似转蓬。

碣石逶迤起阵云，楼船羽檄日纷纷。螳螂竟欲当车辙，鼯鼯安能抗斧斤。但解终童陈策略，已闻王歙立功勋。如今旅梦应安稳，早绝天骄荡海氛。

无穷志愿付因循。

无穷志愿付因循，弹指人间三十春。一局楸枰虞变幻，百围梁栋藉轮囷。苍茫独立时怀古，艰苦新尝识保身。自愧太仓糜好爵，故交数辈尚清贫。

向晚严霜破屋寒，娟娟纤月倚檐端。自繙行篋殷勤恳，苦索家书展转看。宦海情怀蝉翼薄，离人心绪茧丝团。更怜吴会飘零客，纸帐孤灯坐夜阑。

杂诗九首

早岁事铅槧，傲兀追前轨。张网挈瓠维，登山追岌岌。述作窥韩愈，功名邳侯拟。三公渺如稊，万金睨如屣。肠胃郁千奇，不敢矜爪髻。稍待兰蕙滋，烈芬行可喜。岂期挝驺骀，前驱不逾咫！滔滔大江流，年光激若矢。春秋三十一，顽然亦如此。染丝不成章，橘迁化为枳。壮盛百无能，老苍真可耻。樗散吾所甘，多是惭毛里。

西山何郁郁，白日驰昭昭。六街净如练，双阙凌神霄。沉沉府中居，员井镂琼瑶。罟思周四角，窗雾漾鲛绡。公子盛文藻，

九陌鸣金镳。群从袂成幄，掠风马蹄骄。红烛舞绛雪，会宴皆金貂。朝餐罗鯖鲤，晚衙沸笙箫。今夕既相酢，明日还见招。天高地则厚，何事不逍遥！

手皲不烘堪，足趼不趋径。问我何自苦，我歌君且听：激湍无驻波，止水光凝凝。榱栋与耒耜，岂曰非天定！束蒿代虹梁，于道未为称。朝菌濡浓露，夭夭不及暝。适意一须臾，骨朽犹诉病。可怜繁华子，醉梦几时醒？炫妆岂无服，自媒羞妾媵。已矣吾何营，闭户览明镜。

伤禽悲弦声，游鱼惊月影。丈夫贵倔强，女子多虚警。强弧有时弛，夷途有时梗。飓风扬海涛，潮平已复静。君子别有忧，众人恐未省。

霜落万瓦寒，天高月浩浩。美人在何许？相思心如捣。我昔觐美人，对面如蓬岛。神光薄轩墀，朱霞荡初晓。彩凤仪丹青，顾视无凡鸟。意密恩还疏，微诚不敢道。贻我彤管炜，粲兮希世宝。可怜金屋恩，长门闷秋草。谣诼日以多，覲闵曾不少。宠眷难再得，蛾眉行衰老。区区抱私爱，夜夜祝苍昊。

天鸡鸣半夜，六合未清晓。乌鹊鸣向晨，羽毛夸矫矫。一旦金丸惊，戢翼暗百鸟。鸱鸦流恶声，万方忧集蓼。清蝇鸣棘樊，缪彰复虚晶。闲鸣百无补，嗟尔秦吉了。蝼蛄草间鸣，乱人徒扰扰。

入门忽怳怳，出门复皇皇。嗟我素心人，各在天一方。庸天厌鼎食，谊士谋糟糠。奔走遍天下，归去仍空囊。秋老江湖阔，何以慰凄凉？勿劳我之思，我今足稻粱。所忧非所职，所乐殊未央。日暮登高丘，四顾何茫茫。落叶东南飞，孤雁西北翔。思君不得覲，惨淡咏斯章。

庸天厌鼎食，
谊士谋糟糠。

松柏翳危岩，葛藟相钩带。兄弟非它人，患难亦相赖。行酒烹肥羊，嘉宾填门外。丧乱一以闻，寂寞何人会？维鸟有鹪鹩，维兽有狼狽。兄弟审无猜，外侮将予奈。愿为同岑石，无为水下瀨。水急不可砥，石坚犹可磕。谁谓百年长，仓皇已老大。我迈而斯征，辛勤共粗粝。来世安可期？今生勿玩愒！

谁能烹雉燕？我愿燎桑薪。谁能钓巨鳌？我愿理其纶。南涧

芼频藻，可以羞鬼神。大材与小辨，相须会有因。嗟余不足役，岂谓时无人！

送凌九归

白日杲杲黄埃飞，君胡少住遽言归！万族由来各有托，借问君心何处着？自言暂归奉晨昏，温席不暖还出门。丈夫生世会有适，安能侧身自踟躇。南箕北斗徒虚名，东走西顾知何益。磬折已觉素心违，璞献况逢俗眼白。要将万舞夸辉光，肯为两言求恩泽？皇天畀我非不丰，平生长策能固穷。一饱那争鸡鹜食？万事从付马牛风。君家才望人所艳，兄弟纵横两龙剑。霜蹄暂教长坂蹶，云藻终向天庭拔。即今归去慎勿稽，岁时努力谋盐齏。彩衣好娱老莱母，椎髻尚有梁鸿妻。我亦屡寻还乡梦，年年送人颇自讽。送君无酒为君歌，杨花如海奈愁何！

送吴荣楷之官浙江三首

君本青云士，
摩空排健翅。

治丝莫求多，
绪多乱神智。

读书三十年，今来始一试。自抱轮囷材，构厦随所置。世人苦寒俭，舞袖先择地。斤削不能迁，罍盎各自器。君子储百用，多藏如列肆。深历与浅揭，所向皆如志。君本青云士，摩空排健翅。置之承明庐，枚马当偃帟。才多厌闲散，翩然去作吏。方今清华秩，骈拇仅云备。不如膺专城，张弛从吾意。观鱼莫结网，网过酷于饵。治丝莫求多，绪多乱神智。圣朝沦治恩，陋澁实渐被。可怜蚩蚩氓，恂恂还好义。愿君恺弟思，随时劳抚字。

西湖吾未到，梦想若遇之。荷花夏如海，当春万柳垂。秋月随潮涌，暮霁天无涯。三百六十寺，岚翠渺迷离。君去事幽讨，抉剔发天倪。馀慳收昔遁，奇赏获新知。朝餐吸山绿，暮雨张水嬉。寻碑嗅梅蕊，独往无人随。政成无一事，风流方在兹。怀抱一如彼，江山复如斯。此乐可持赠，寄我千首诗。

乡间昔相从，殷勤托诗酒。再来长安道，舟车并携手。如今弥旷远，脱然绝窠臼。少年尚意气，峥嵘各自狙。风尘饱所谙，苍然皆老丑。激湍亦已平，真气充户牖。相见无藩篱，洒落真吾友。昨夜秋风来，裊裊凉生柳。念子当乖离，旁皇如失守。万族

各有营，欢聚焉可久。意趣苟无违，秦越如左右。后会知何年，今兹岁在丑。

题钱仵仙同年慈竹平安图二首

冉冉南山竹，柯叶互纛桒。上有一片云，下有九畹兰。清风相戛击，虚碧鸣秋寒。岭摒走鞭散，抗衡劲节干。养成两雏凤，文采何珊珊！高枝足栖宿，芳食供早餐。归昌忽采律，言振九霄翰。引吭发钧奏，俯视失鸛鸾。却顾笱筍谷，依旧青琅玕。年年托美荫，岁岁祝平安。

红尘日夜深，游子思无已。倦鸟有时还，桑弧有时弛。我有山中庐，槿篱夹绿水。修竹倚大椿，重重互幡纒。发条播芳蕤，清阴亦何美！依恋会有因，庶往恭桑梓。殷勤寸草心，区区方在此。

送杨春皆归

去年同送萧郎归，心如风幡乱掀簸。今君合归亦何遽，临别无言但兀坐。君才捷敏非常俦，早时群书读已破。堆案细字如毫毛，掷笔新诗成咳唾。揭来燕市骋逸足，聊随驽蹇争刍莝。出门百钱买犍车，入户一编旋蚁磨。虚牝掷金古所悲，五年长安竟坎坷。剖瓠作尊何所容？种柏傍石终不大。首途虽舛心愈雄，怀宝空奇时难货。嗟余昏懦百无能，与世越超动得过。忽逢良友相镌磨，有似酒狂得史佐。隔日一见欢未阑，鼓缶鸣箏唱复和。削除巉岈得平夷，厌见俗氛扬堀堦。叫怜侠气千层云，时有忠言惊四座。一麾从此怅分离，万事何当付懒惰。方今廊庙构群材，搜林剔穴行可贺。看君形容不易凋，顾此芒刃岂终挫！明年仍骑瘦马来，满面还受缁尘涴。

题毛西垣诗集后即送之归巴陵五首

伐木截两端，半作牺尊半沟壑。南邻北里轻薄儿，昨日薰腾今冷落。臣屨小屨天所区，焉能屑屑齐美恶？劝君把酒持双螯，百年烂醉拼嬉遨。不学陋儒谈狗曲，修褱整巾徒碌碌。

世人皆憎我独
美。

欧君昔言乡国彦，汝与吴生皆狂狷。看汝织古得新机，惜哉
弋时无急箭。独抱质缶辞雕镌，世人皆憎我独羡。金盘银盞有时
灰，得不垂顾瓶与甕。

朝诵幽通赋，夕吟显志篇。咄哉此子颇闻道，烦毒迷惑剧可
怜。古来骚人都如此，君亦苦语相纠缠。日月潇洒百蛰苏，老抱
幽忧胡为乎？

长羡江头白发翁，扁舟如瓦飘西东。船头得鱼船尾煮，稚子
哈笑老妇聾。王税早输百无事，从古不遇打头风。君家正临洞庭
水，一饱弄舟乐何底！舍此他求真左矣。

我生乾坤一赘人，逐众转徙如飞蚁。衮衮台省无相识，纷纷
时事了不闻。门外车马何隐辚，独立阶下看浮云。君今归哉渺千
里，我方尘土无穷已。

题顾南雅先生画梅应何子贞

诗老餐冰老更臞，倾身谋醉一钱无。忽然嚼梅供大啖，笑吐
满纸森模糊。当时酒徒相馈饷，至今遗墨何清臞！平陵公子亦好
事，巧偷豪夺无罪辜。时将巨障补空壁，已觉暗香来座隅。长安
一雪寒切肤，冷官瑟缩同围炉。开眼忽到西湖上，四更残月孤山
孤。我闻绘事通草隶，此语自古谁云诬？何君作书妙天下，生吞
百虎心胆粗。世人只解传栴蜡，独能养气真吾徒。莫言书画直小
道，不到圣处宁堪娱？吁嗟诗老不可作，君虽抱此徒区区。

世人只解传栴
蜡，独能养气
真吾徒。

三十二初度次日书怀

男儿三十殊非少，今我过之诎足欢！齷齪挈瓶嗟器小，酣歌
鼓缶已春阑。眼中云物知何兆？镜里心情祇独看。饱食甘眠无用
处，多惭名字侣鹇鸾。

忆弟二首

无端绕室思茫茫，明月当天万瓦霜。可惜良宵空兀坐，遥怜
诸弟在何方。纷纷书帙谁能展，艳艳灯花有底忙？出户独吟聊妄
想，孤云断处是家乡。

忽忆他时襄水上，恶风半夜撼春雷。舟人捩舵声同泣，客子扶床面已灰。仰荷皇天全薄命，信知浮世等轻埃。汝今归去复何似？回首世途诚险哉。

寄怀刘孟容

清晨采黄菊，薄莫不盈襦。宁知弟昆好，忍此四年别。四年亦云已，万事安可说？昔者初结交，与世固殊辙。垂头对灯火，一心相媚悦。炯然急难情，荧荧光不灭。涟滨一挥手，南北音尘绝。君卧湘水湄，辟人苦扁鵲。怀璧误一投，已遭官长削。我作燕山囚，衾袜冷如铁。尘土塞中肠，经旬间呕泄。梦魂互往还，邂逅在嵎嶰。君魂畏豺虎，我魂阻蛇蝎。明年会长沙，对床殊呐呐。可怜郭生贤，日夜依我闼。三子展殷勤，五旬恣猖獗。自从有两仪，无此好日月。决渠东西流，人事有蹉跎。当时别江干，悬知成久阔。郭生从我行，再踏长安雪。束蒿贡廊庙，塗丹强作阍。盘松困涧底，千岁老不屈。行藏一以歧，会合焉可必！知君障污尘，憎我逐烦热。摧兰搗作麝，本馨固难夺。皇天造群伦，位置各成列。煌煌帝者都，峨峨集勋阅。前庭充组圭，后阁暖清瑟。大马疾如飞，高车如电掣。陋巷时骑过，墙震牕纸裂。而我支肘眠，朦胧兀顽劣。视荫呼晚饭，终年曾不缺。痴儿亦肯堂，四龄已饔餐。所愧偷太仓，无异哀穷乞。羨君老岩阿，闲味甘于蜜。嗟哉趣岂殊，所处良不一。坦荡观皇途，转侧思家室。永怀素心人，悠悠难具述。

决渠东西流，
人事有蹉跎。

早起忆九弟二首

别汝经三月，音书何太难！夜长魂梦苦，人少屋庐寒。骨肉成飘泊，云霄悔羽翰。朝朝鸟鹊噪，物性固欺谩。

尚余词赋好，随众颂康哉。报国羌无力，擎天别有才。寒云迷雁影，远道望龙媒。百尺金台矗，看君蹀躞来。

报国羌无力，
擎天别有才。

得郭筠仙书并诗却寄六首

展转看书字，嗟君亦老苍。昊天真藐藐，白日故堂堂。与子